

沅  
湘  
耆  
舊  
集

沅湘耆舊集卷第一百六十九

新化鄧顯鶴湘臯編輯

湘陰左宗植仲基校訂

賀秀才光黻七十九首

光黻字禹咸一字雪畦益陽人諸生有關嶺村詩  
草二十八卷雪畦與其兄薌南明經光黻友愛甚  
摯日以詩文相切劘家貧衣食之資悉斥以買書  
三旬九食晏如也性疏豁獨以友朋泉石爲性命  
偶聞佳山水卽襍被遨遊經旬忘返嘗與余遇於  
長沙旅次一見如平生歡別後云將偕其兄來訪  
余於滬西學舍先手寫其詩文一冊寄示余爲之

商訂去取日望其來未果嗣余匆匆去滬前稿幸  
藏行篋未及寄還而雪畦死矣傷哉雪畦有至行  
介特不回余嘗聞其畧於吾友湯叔尺幼尊兄弟  
蓋漢書所謂獨行君子不當僅以詩名而時人乃  
稍稱其工行草書善飛白豈足以知雪畦哉雪畦  
詩風骨冷峭氣韻幽靜如其爲人比薊南復寄來  
一冊與前稿微有異同爲精選一帙雪畦兼善古  
文駢體亦佳所著又有讀書撮要六十四卷蓋其  
做精耗神於此事亦久且篤矣表而出之俾讀其  
詩者知荒江老屋中有嗜學耽吟介然特立窮餓  
不悔如雪畦其人者不爲世所知彼村塾里兒稍

弄筆墨岸然以風雅自名高自標置轉相販賣少  
遭指摘終死爲敵如裕之論溪南詩老所云者亦  
可以少息矣

暮歸山寺口號

鳥外霞影疏殘白留一髮草徑生夕涼流螢戀巾幘空色  
忽在眼原上吐華月人行蹋木杪仰見松露滑疏風吹鳴  
泉古寺闕茂樾歸近步尤緩玩周景無忽埽苔坐空阪農  
語四鄰歇了了初更鐘逸緒不可竭

夏日與季父觀竹陰口占爲贈

入夏篁竹新環廬鬱蔥蒨貴家欲畫看隱者得習玩庭虛  
延清陰澗曲互迴變因風瀟浮景撒地誤流轂設色俱在

空澹然絕華綯久立人心冷乍入鳥目眩光涵如青瀟苕  
藻雞黠竄境常情易忽暑重品乃見諷嘯無子猷何以寫  
高狷

種菜

樵牧喜春煦林炊及清晨不憾攪晏眠共此棲役人嚶嚶  
鳥雀曠出門望澄霞山雨換竹葉蔚然一以新禾麻素所  
味况復荒與蕪土宜將毋失密諗先四鄰

三年久未窺園圃滋漫漶環籬數弓地蕭艾雜其半殷勤  
緣修畦短衣不蔽髀習惰難劇勞揮鋤背先汗谿風搖松  
毛且復憩其畔草蜨晴一團悠然復徐散

劉家坪

殘景下嶽背夕陰蔽數里枯茅風撼撼碎石路齒齒溪流  
下菜葉上有數家市行李未到門店媪先色喜晚炊漸脫  
粟井汲烹野芑寒星入破壁衆水納幽耳宿連雞棲旁夢  
豁虎聲裏平生禽向心勃勃方未已卽此經險艱修途愼  
前趾

旅宿

倦行思早眠到枕翻未愜旅情怯宵雨碎響聽落葉燈殘  
窗影見蟲靜鼠聲接攬衣起占天微月獨鳴屨

雪夜

山風漂颯寒向晚雪亦劇一飽幸有餘惻然念鄰宅呼童  
攜宵燈畦路印初迹叩門磨語遲濺濺衣袖白吾村舊瘠

土歲晏半艱棘庇寒豈無心  
响溼顧以力地爐溫苦茗閑  
話慰幽閑都旣舉家歡我亦終夜適

登石鐘山

水上望積鐵遙知石鐘山  
常恐好風來同舟阻躋攀疾走  
二十里僧飯猶未殘一杖導絕險我心殊難安洞黑捫滑  
壁崖傾引斜欄半入已足恐獨行焉知還突角礙飛鳥窮  
根迴怒湍佛像愁欹側鬼工太剗剗穿透豈石性盪摩成  
天完遂令觸熱子到此毛髮寒前臨攬江風左顧來湖瀾  
蒲牢不終變撞擊何時閑衣上澹落日凜然下蹢躅硯犂  
如飲助蹢躅誰敢干常年願水經每憾登陟躋一笑起棲  
鶴跡磔雲霄閒

春日雜感

雨歇偶一行春深已如許流暉誰可延習嬾自貽阻鄰婦  
餉新蔬隨意恣啖茹落盡早開花萬綠森楚楚兒時頗暇  
逸心知不能語勞勞感中年落筆滿愁緒

親舊閔長涸响濡竭忠誠安受豈非貪卻謝難自生明知  
不望報乍見顏先賴雖非效蚓廉亦已愧蟬清尙復存一  
息此念何時平渺渺思前途竟夕嘗屏營

伯始全中庸彥龍敗激厲韋弦古自警鐔刀孰先敝不道  
水鏡佳一發輒已戾斯時水火仇昔日金石契此中但飲  
酒相戒每垂涕抑抑數十年強默猶怒睨

鬱鬱澗底松怒擎作虬蟠憾無棟梁用匠石徒仰歎野人



近世耆舊集

卷第一百六十九

四

何爲者撫之獨盤桓門庭不可致尙圖數株看偃蹇豈天性屈折成奇觀楓柳更相笑誰復辨客難

枕上

夜目瞭不瞋移枕見窗月嚶嚶草蟲語宛若秋氣越少年事儻奇離跂恣猖蹶精神傲蹇淺興致渺雕歇彈指行暮春空山抱頑骨沸野荒雞動萬慮集明發

與湯五幼尊

幼尊未三十足跡半天下攬結山水英吐屬稱其雅態度識王謝精神鍊戎馬氣出諸兄先囊畱一錢寡相逢芙蓉國醉吟不可罷我疏慚孔璋君問逾子野性情各有真傳舍何足假披髮下大荒風騷共瀟灑

月下憶幼尊

吟侶如死盡奈此明月何  
負手村落閒獨自行且吸長空  
肅金氣一碧無星河峯巒遠不蔽骨立高  
峩峩資湘三百里音書屢差訛  
以我秋士思知君別愁多  
技窮笑五噎詩逸變九歌  
願與鷗鷺羣來往隨風波

分題秋衣

一雨秋遂分袂衣漸可換  
梅痕滿襟袖索索蘆花爛  
茶前已露肘短後裁至  
肝拆補天吳圖涼暖適中  
半朝披蓼風輕夜蘸松月  
亂迴翔溪山閒稱我詩  
幘岸南道聊爾爾西人  
白粲粲觀者莫相嘲  
差免緇塵歎

過彭竹塢舍以竹籬茅舍風光好爲韻分得舍字

山勢來彎環著此一茅舍坐臥如在車童婦皆可畫主人  
方灌園荷鋤笑相迓落落遺此情衣巾狀閒暇筍蕈烹芳  
鮮醪醺出清鷗松霧談際霏風泉吟邊下老紅殷餘春衆  
綠鬱初夏巖幽夕景徐露重樵煙亞少小共馳逐風流幾  
遷化相視鬢髮蒼韶暉杳難藉歌調雜變徵比鄰莫相訝  
月來耕牧散百舌孤村夜

乞米

野店逢擣菰一局累八日那知春雨深新耕到山腰老妻  
坐無語嗔意見兩額笑問長鬢云久已冷釜隔俚然出門  
去黃海深沒膝遙聞松閒琴知是子及宅相攜久迴旋欲  
語口先空快意出非望指園得五百揮手謝高誼入戶訪

折屐一池雞犬歡桃花照吟劇

野望

秋風款柴關視我猶老友脫畧枝葉繁披豁露堆阜禾收  
望逾濶煙散空不受黃牛歸古原白鷺坐高柳泉光在橫  
約側景寒瀏瀏微吟不可成落日與之久恍然畫圖中興  
極欲呼某又恐明月至孤心遽抖擻

春日雜詩呈伯兄

文休兄弟如鑑衡坐論自詡無遁情季布一諾爲反覆能  
無愧煞曹邱生冰聲滿山雪沒脰四望冷絕無人行偶然  
尋梅入村屋見客倉黃急障簾

東溪雪融水拍坳枯柳挂薜風搖搖垂竿終朝不一獲日

曉欲睡依橫橋忽聞樵者山南翁攬衣欣然坐譚空自言  
學得隱形術介元則尙無其工幾回欲前不忍溺手持蟬  
葉愁獨笑

殘燈如螢夜氣定古人可呼笑相應耿耿自信那敢堅往  
事千年來互證掩目前手或可防芟肱任心理則偃嗚呼  
廢人又廢史縷繆欲言按劍視

趙王蒼狗鄭愚豬顛倒富貴同嬉娛何爲作意出靈秀肩  
山一泄草木枯悠悠問天已覺迂刺刺辨命無乃愚楚元  
積累博歆向遠蔭豈爲劉寄奴昨聞鄰叟頗歎息棘根見  
芝忽生刺

芥蘿

東風吹老南園菜，散散抽莖美青芥。是處鹽齏竭作忙，吾  
村劉媪尤<sub>甚</sub>。露氣初宜朝日曬，刀痕細若秋瓜膾。遲遲  
難火取微溫，一一瓦瓶煩密蓋。客座非誇咄嗟辦，竈飯直  
可須臾待。老饕無賴但旁觀，呼飯未來先一噉。芳辛直上  
腦如鹽噴嚏，不休喉欲噦涕淚潄潄亦迸流。髮毛灑灑力  
清快，生來激厲少雍容。正是人中范雲輩，只慚骭骭雜禹  
光。甯坐<sub>靈</sub>疏判埃壘，殘春爲爾日加餐。瘦骨剛腸雅相配，  
秘惜肯爲外人道。食多更向鄰家丐，不須酒渴歎奇珍。一  
任商聲喚指大鍊氣，潛歸老辣中成詩。定出酸鹹外萬錢，  
猶無下筯處肉食。比比安足怪此中，唯有石田翁能續冰  
壺傳疏介。

九月四日小集菴如山館以菊花天氣近新霜爲韻  
分得近字

黃菊林邊開綠醞芋魁更有樵家餽不勞餐餌到松芝已  
覺肝脾埽塵坌主人談詩袖屢奮客卿挽鬢嘯尤韻倒割  
齡天漏夕陽壁光茶靄遙相素去日催人本自孤好秋於  
我何曾靳鳴蛩漸急夜將分涼露不繁星半暈但使無人  
惱晏眠曉來晴雨何須問

九月十六日夏湘舲招遊小廬山

衆龍欲逐不可閑南出駛賊資湘開自來南軒始一到何  
時名爲小廬山湘舲近山數招我廿年始得偕躋攀芒屨  
牢結衣短後裝束似赴崑崙關山陰始遊出莽莽一墜環

旋行彎轉斜連益高螭附木仰控忽出鴉捎襲霜清百里  
人指數際天渺渺秋陽殷寒商到此候易變木葉草實紛  
編爛名勝非遙足自褰歲月未老身先孱徒令鼃足笑蛙  
坎自是人負非天慳三五縱橫坐枯管此身憾非土木頑  
呼爲老怪亦不惡死便埋我何須還樵家童子喚月出殘  
霞散作魚鱗斑狂敲詩筒唱小海松杉謾謾天風閒

月夜小集裕堂隱居畱贈

凍雨洗天天不風孤光一氣行青空羣山欠中若夢醒鬢  
髻亂擁霜華中霜華拂鬢毛獵獵搔飛蓬塵懷佗係久不  
愜村澗適往從西東石淙潄潄擊碎玉鞘劍噴吐如長虹  
眼中迅靖萬木盡意象慘澹開洪濛九辨懣恨激宋玉一



沅湘耆舊集

卷第百六十九

八

樽點竄愁闌全寥天清怨自古有不達何怪草蟲兒語難  
爲工昨日晞髮間今朝仙人峯登臨強爲歡感歎殊無悰  
雙丸一瞬歲又暮紇干凍雀驚匆匆林壑宵寒白屋矮米  
鹽鍼縷摺摺窮平生廣廈有心覆寒士自憾啣濡涸澤徒  
征徭今宵撫座一抵掌能無慘戚攢心胸阮宣歐背喚老  
癯憾不鯨口傾千鍾澆愁只憑廿四品三年兩句慙無庸  
長吉心肝鼠腸出襄陽眉髮牛山童爾能幕席視天上  
顧雅愛王無功胡爲殷積不自遣青袍頓復隨雕蟲詩成  
盡作雍門琴商哀羽裂相錚鏦起看松杪月尙在一碧萬  
頃銀河通蟾宮縱步踟冰雪蟄窟穩睡深魚龍出門已無  
白雀噪歸路儻有丹霞逢誰云路隔歌哭老顏色君不見

阮郎杜牧猶能雄

中秋不見月緇林雅集吟懷索然夜午棲鳥爭噪啟  
扉展視則秋景方娟娟也喜極而歌各限以韻

頑雲夜塞星斗胸欲雨不雨天夢夢溼楚無聲鼓亦死佛  
面耿耿幽缸紅同人聚會慘不樂瞠目坐對蒼茫中寒蛩  
絮聒秋草黑怨遙傷遠心憧憧深更起坐忽慷慨吟肩瘦  
聳雙銀峯安知不有奪天手纖末爲我來長風華轂駸馳  
走纖阿焚輪激颺愁豐隆寒芒千丈挂清漢曠廓一洗浮  
塵空海蜃噴氣出樓閣山魃忌影逃窪隴眼底衆峯忽變  
現素波倒濯青芙蓉珠宮貝闕渺何極金精水氣交相融  
此時不逐解大紳彤階擲筆賡堯雍尙應遠追蘇玉局赤

壁高俛馮夷宮叢林醜謁木樨發層巖曲折流泉通清商  
得此一披拂蕭然萬感來何從平生放逸狂鬼攝况復雅  
集多奇逢樽前興酣任跡弛露莎踞通嵇劉蹤披胸芒角  
出莫遏紫毫落紙飛晴虹須知盤薄有逸氣鸞鳩斥鷃安  
能雄

題子然上人所藏宋子珍波若經手卷

有引

子珍宋泊平中人手卷長可三丈餘首題大波若波羅  
蜜多經卷三百一十五想不止此也卷尾云皇宋泊平  
四年歲次丁未閏三月初六日起首寫勾當寫大藏經  
并建造經樓首座沙門子珍七百餘載紙光如新真繡  
林珍玩上人藏已數世不輕示人然考之諸書名俱不

載爲可惜也自宋至今皆有題名

宋初九僧稱最著于珍或亦其孫枝交遊事迹久難考何  
來一紙今則垂休哉治平紹慶歷釀化懿綱無華夷子珍  
生也值其盛常住亦得安操持佛經三萬六千卷想當一  
一丹鉛之手書存者僅有此卷號波若先題辭長可三丈  
徑逾尺硬黃細界吹烏絲四辨三乘義難曉探機叩寂神  
徒疲精良獨愛編萬字想見慘澹經營時結體停勻少變  
易布行哉舊無偏欹烏舒蠹跂若有動鱗比星列誰能基  
知永縱橫號電激懷素詭誕尤風馳茲更閒出二僧外若  
以磨瑩消其疵儲書豈無劉芳輩一鐔可以供指麾焚香  
沐地獨默運端委一氣相縈維迄今相望七百載墨之所

到神不移何況禪定在平日五濁那得來差池卷尾題名  
十數子下逮順治上紹熙云是嘉興興聖寺當時憾不歐  
蘇知參寥仲殊或先後近地嘗否相追隨用修拈搨最該  
博尙有此卷未及窺樊榭紀事亦三卷片羽未見畱歌詩  
將毋錫鉢盡開設清淨但守維摩癡公家何處購奇蹟祖  
孫什襲如瑯琦傳流豈免有剝蝕點畫幸未遺之而今來  
張壁得重玩古光著眼紛陸離女真披猖四海沸宣和萬  
譜隨流澌若令秘閣早搬入浩劫豈能獨脫遺乃知不朽  
不在顯草澤正復多珍奇安得剗來太華石一一草寫鐫  
寫碑上立浮邱最絕頂鐵柱銅柱遙撐支如椽憾少厭穆  
筆百韻慷慨揮淋漓爲歌石鼓敦掩鼻上人覽此其毋嗤

鄱陽遇風

白日欲落霞影低湖南湖北秋蟬嘶飄然一帆飛鳥疾千里碾破青玻璃榜人燒香拜箕伯仰見五老峯前一縷黑我舟益駛風益顛四望陰霾慘無色迴船奔淺汀舵折桅已橫童僕坐掀簸釜飢撞敲鏗空中迅電雷車轟沙上急雨鱗介腥駭浪愁撼輓山傾女兒港在咫尺不得近百艚叫噪天爲驚攪繩十丈維鐵楸楸纔入水繩亦絕篙師目眯行沒漚客伴聲嘶跪號佛雪然一散如裂箋悄覺溼髮生微寒置之萬死始一救往事成例今何歎驚定更登亭子山山前野老爲破顏左匡廬山右彭蠡返照翻入穹崖紫青天倒作平湖底點點漁燈散星子瀑布響落昏鴉起

長歌寄謝湖就姑平生大觀今有此

吳城謁張令公廟

大姑山前遇狂風舟人教我呼令公倉皇誰問名與姓叫  
號不止頭搶蓬明朝買香作神福始得捫謁祠堂中公之  
英靈若日月江南百郡功尤崇商民不識僞者勇謬以猘  
惡窮雕工虎帷燭光一仰接粹令頑懦生豪雄平居背裂  
羯兒傳豕突遂使中原空公功可成陋卽墨天意巧欲全  
精忠不然昇平一賢令干莫晦與鉛刀同孤城百戰障一  
面隆隆郭李成元戎滿堂松檜皮若鐵霜氣凜凜參層穹  
灑然盡日不知暑坐與巫卜談凶豐

同吳聖贊靜吾季弟爲外舅催梅之作

五日霖霖漂作雪萬樹槎枒戛如鐵羅浮仙子來何遲  
店山橋清欲絕孤高已是飽霜霰蟠鬱猶應待時節淑女  
端嚴音吐徐幽人嬾散形骸兀堂堂閨年寒至早慘慘北  
陸景更疾矮胡逼尋上若村蹇衛排入孤山闢天荒地老  
風景變龍伏蛟藏泉脈竭老子何心天下先安石宜爲蒼  
生出山前霽陰鳴牧笛屋後松栝盤霜鶻一尊酌問林家  
翁幾日吟分隴頭月

四月十三日集清芬齋以晚晴風過竹深夜月當花  
爲韻分得月字

吾儕得伴卽興發灑然不巾亦不韞坐來跛倚行勃窣前  
惟封胡後末羯騷騷時聽風篠鳴乙乙遙數煙鳧沒盡日



炎蒸晚更涼西南雷雨東微月分箋一夕每十人銅鉢聲  
終座無罰歡聚何須芻滿牀編成自可詩稱窟衰遲似我  
尙迴旋意氣諸君自超忽傷香速茗蒿作餽齏齏浮青酒  
杯凸

十月五日再遊子良巖以中有古洞藏神仙爲韻分  
得中字

前年偶然躡仙蹤流覽半日殊匆匆歸來每爲述勝概聽  
者兩腋咸生風今年再來值煙雨氣象慘澹空濛中峽口  
諸山想類此歎息曾悟劍南翁正如奇書與知士奧變直  
是參天工安知再來不更異遊則有盡巖無窮褐衣冷飄  
霧歷白芒屨踣碎霜芝紅子良有知應絕駭久矣無人蹤

青虹

歐公店

立鷺脩脩意殘雲疊疊斑路沿之字水身入米家山野望  
秋深遠農情穫後閒吟鞦與樵擔瀟灑去仍還

一霽送餘寒

一霽送餘寒平郊夕照寬雜香花不辨濃影樹相攢僧倩  
書祠額鄰邀賀晬盤歸途思卽事剛就一詩難

消閑答客

人生閑是福閑亦要能消耐睡嘗過午貪吟又一宵雨渾  
淘井磬山霽種松苗客至休相笑鵲衣怡及腰

伯兄四十

客至具村酒，烹觚帶雪斟。商歌出金石，春氣滿梅林。老大  
世緣淡，窮愁天意深。相看年亦近，萬感集長吟。

過郭鹿蕉

欲言思一見，相見復忘言。寒食青精飯，桃花夕照門。別來  
都覺老，新喜各添孫。小坐還頻起，嗔鵲綠滿村。

寒食

寒食連旬雨，新晴百草香。步隨羣牧遠，春共小溪長。柳顰  
馱鶯重，橋陰聚鴨涼。吟歸又殘日，山氣鬱蒼蒼。

萬感

萬感投孤枕，勞勞夢不成。月殘留薄影，風厲雜商聲。兄弟  
貧毆散，親知死數驚。愁吟幾揮涕，猶道爲詩名。

午日紹清亡妻墓所

死別君差樂貧增我更傷  
重關閉風雨一榻臥荒涼  
酒漬新蒲綠山開返照黃  
窮泉尙知否今日是端陽

十月望夜步月憶省南

一氣宵中定孤光雪後新  
無聲霜被草低影樹如人  
吟鳥環雙塢寒雞靜四鄰  
多情應未寐何處岸綸巾

雨後寄書田

林臯新雨過萬綠莽周遭  
一鷺投村晚羣蛙得水豪  
貧能消知慮嬾更似清高  
此意書田子爲堪論雅操

宿上封寺

一枕九千丈誰人知此中  
室光涵海月冰響墮巖風  
夢亦

浮元氣詩難盡  
太空明朝下方語  
加足駭天空

雨後檢書

雨過寒岫淨  
危坐理紅籟  
茂篠都低屋  
微陽不滿檐  
柳隄騎燕味  
萍沼亂魚噏  
誰響空山展  
瓊然逸思添

石上橫笛

返照入寒鴈  
依依墟落晴  
靜花嫺夕麗  
幽鳥自春聲  
遠道生相憶  
微吟不可成  
踟躕藉苔石  
一笛塹風清

久雨

花事模糊過  
春陽黯黯移  
冷煙深白屋  
溼柳滑黃鵠  
客少開門晏  
柴生得飯遲  
難念田父饑  
日一餐披

秋日登浮邱山

路入嵯峨一壑寬  
粼粼碎石履聲乾  
浮圖風急靈鼈動  
灌木霜高俊鶻盤  
此去南巡連嶽近  
向來西望作雲看  
青鞵布韞從今始  
先揖浮邱乞內丹

讀列朝詩選率題

一代居然柄獨持  
絳雲深邈儘搜奇  
中州以後誰爭座  
史氏相沿早藉基  
老去不忘西向笑  
招來遂有北山移  
尙書兩川名何益  
爲掩遺編一歎噫

卽事

車塗西抹也婆娑  
鵝鼻三杯鬢已皤  
何必水晶生燦土  
居然琥珀出嘉禾  
屠龍枉學千金技  
得鳥仍須一日羅  
鄰巷喧聲轟送喜  
位高季子又金多

步瀛集卷之二十一  
秋日呈伯兄薌南書齋

獨披殘照下崇巒十里衰楊踈地寒風管蕭蕭催落葉霜  
鴻渺渺入憑欄狂隨付社燕夫博愁譜齊梁瑟調彈憔悴  
黃花滿籬落別來經月不曾看

屋漏如星事已奇更堪鳳字歲頻題悔談運命機蕭瑟終  
續離騷泣景差屈首泥塗既可肆冥心付一鬼猶嗤不然  
百勝淮陰策束手何愚乞食時

廿載因依只弟兄艱難固盡氣逾平閒中論事頻看驗俗  
外人半已更濁酒狂歌從慷慨白衣蒼狗自神情少年  
不讀王丹傳才識忘形未可輕

誰是人間物可齊南華落落也難稽癡援許武同看弟狂

說梁鴻數誘妻一日文舉驕斷木滿天鴈隼悵連雞風流  
絕好劉賓客豪興多成只益淒

題春臺雁字詩後

秋深湘館理吟髭又感冥鴻興欲飛雪渚爪留微影在江  
天日斷五絃揮颺鵠望帝情種夢曉莊周是化機似此  
東塗西抹好古來鸚鵡未知幾

立夏日吟

浹旬絲雨杜山扉胃堵纖羅楚楚垂燕認舊家貧亦至春  
如良吏去猶思也無吟屐驚寒大剛有鄰花入破籬一事  
差堪慰寥寂日長新品玉參差

次韻伯兄自適



陂塘風急響枯荷五字王韋盡夜哦野舍清貧無客到散  
人風味得秋多半牀楮墨供攤灑一雨郊原起笑歌浪逐  
炎歊豈長策歸愚合情冷雲窠

讀劉孝標傳

潦倒偏逢天監年當時望實許誰先披緇代北艱難盡抱  
素東陽老病全率性未甘依物論初心何止藉文傳那知  
不墮昭明疑千古神傷辨論篇

弔大

不爭華綬入儀曹臥病窮廬亦爾遭廢食未甘眠露草聞  
聲猶是豎霜毛諒爲烈士當如此雖不人言已是豪惆悵  
劉安尙塵土獨經林薄賦離騷

登黔鶴樓

夢殘身世歎枯槐  
猶竹南州跨鶴回  
苦戍十年鳴劍槩  
空今日見樓臺  
雨澄落照泰山出  
沙擁西風代馬來  
莫惜寒吟倚微月  
征途從此滿紅埃

泊沙陽

柏子根枯繫短橈  
微吟和露入殘宵  
江空淡月搖魚背  
草綠長汀帶柳苗  
酒市煙深雞喔喔  
麥場風急馬蕭蕭  
羈懷經月常如醉  
浦外青旗不用招

報恩寺

靈谷當年說報恩  
又崇塢院逼都門  
師王祐國僧名貴  
松檜參天輦路尊  
北漢南交歸版籍  
神功聖德上陵園  
槐還

榆木胥無憾愁絕高皇問太孫

過采石

石積橫江勢屹然當年鏖戰幾憑堅  
寒林尙鬱兵戈氣過客誰參水月禪  
三日孤洲淹宿雨一家千里夢歸船  
祈風何預詩人事也學黃頭拜謫仙

大通鎮阻風暘坐達曙寄懷季父及諸弟時讀書永慶寺

九華如咫不容探嶽嶽諸峯水倒涵  
愁早只期秋到雨辭家又見曉橫參  
沙邊日氣搖孤舫巖下松陰覆一庵  
料得酒酣團石坐短歌都唱望江南

南康道中

鱸美多違釣伴期飯香正憶食新時荒原潦盡還科斗淺  
渚風乾怨鷺鷺壇上旌旗官禱雨關前令甲客觀碑偶談  
窮路嗟商賈阮籍雖狂不要悲

夕陽

晚晚將殘復少延天涯回首盡蒼然孤懷渺渺吟難就瘦  
骨頽頽影自憐市散人聲喧古渡樵歸屋角起炊煙分明  
一幅雲林稿洛下亭空記不全

卽事

十日秋晴恰足償招搖酒市又農莊無心境會詩偏好識  
而人多姓每忘樹裏溪痕猶淺綠霜來土實盡肥黃旁觀  
莫笑餐殊緩老態先形一齒亡

斜日

已分殘春付杜鵑荒村斜日尙回旋樵兄漁弟東西舍水  
晏林嬉二十年風雅一時論魏晉榛蕪滿地亂鴟鷺潛夫  
習氣消難盡獨撫遺蹤爲慨然

四月十日登栗子峯得峯字

春盡山蹊百草封歌呼相攝尙能從雲根蕪茗尋遺竈霧  
簪浮天數亂峯換葉竹如鮮服客落崖泉答隔溪春遠遊  
多少常年約耐可諸君誤一慵

春日雜詩呈伯兄

重陰時帶雨霏微三月將殘尙夾衣庭草深來疏客屢砌  
花開盡魚藻詩荒舊社和人煙日落新阡哭弟歸自注

秋蓬實最貪春莫好空郊延望只依依

誰道汪洋萬頃陂如鉤到處總相宜強顏市道鞢皮樣信  
手唐宮葉子嬉擲竟當夷甫面酒狂翻炙雅行眉此中  
記得阿兄語裂眥俄然復自持

寒食無煙樹四鄰田夫桑姬往還頻看來畫本何曾盡聽  
到農歌又一新歧路儘多嵇叔嬾豐年難療犂虞貧夜深  
繚遍空階月竹影松光屑滿身

勞生缺已誤輕彈要計瓜牛一枕安甕韭直須千戶等圖  
書權作百城看楊枝拂路欺人老木筆臨風笑爾乾仰屋  
空多不歡興豈知說是古來難

先生舌敝究何成轉眼都爭逐許行冷暖乍憑翻覆手伊

沅湘耆舊集

卷第六十九

九

優誰測笑曉情聲喧脯市蠅相續影鑑沙泉驚太清經事  
自來增一知胸前磊塊不須平

里社春盤日見招叢談差得慰無聊雨暘占候時何異車  
馬聯翩夢已遙午熱崖陰樵擔憩漲深港汊估船驚田園  
不改人家倍愁說哀鴻尾半脩

寄湯小晤

搔首西風憶小晤蓼花開遍有詩無離懷定逐蟾光滿冷  
露難禁鶴據癯但得江山供孟簡未妨書記老元瑜窮愁  
莫速客顏改現在論身且自娛

微風

微風吹衣襟冉冉暗已久不見樵人還山坳一星白

口占示省南

青燈一豆吟苦紅日三竿睡甜阮籍呼癡白好王晞致怪  
何嫌

佛誕日

喬林無復舊回環塵暗鐘魚盡日間佛亦可憐貧似我一  
廊青借對門山

遍蒸爐香埽案塵菹羹聊供一盂新周妻何肉俱無累好  
作堂頭粥飯人

次韻垂釣

蕭閒情性具生初一把長竿百慮無儘有浮家陂萬頃不  
須爭席到樵夫



楊花飛盡燕歸時  
豔豔晴波泛荇絲  
解免投竿他日悔  
江湖何處不宜詩

月夜至南陂

月到初弦卽有詩  
悠然北崦綠南陂  
雲光滿地身如化  
矜露平生是此時

寄夏四洛齋

小村飛靄冷巖扃  
勒住垂楊不放青  
夜色寒城三十里  
梅花夢落漁汀

集太平寺以心與浮雲閒爲韻分得雲字

遙峯一碧不閒雲  
數盡南歸雁幾羣  
詩料窮時須盡取  
兩巖紅堞立斜曛

曉晴

秋林一抹帶霞明  
閒把殘編立晚晴  
天氣渾如三月暖  
山都看盡眉聲

沅湘耆舊集卷第一百六十九終

沅湘耆舊集卷第一百七十

新化鄧顯鶴湘臯編輯

湘陰左宗植仲基校訂

周秀才燮祥 四十六首

燮祥字叔和一字調臣湘陰人廩生著有玉池山樵詩鈔羅湘諸周多才士調臣尤力學有聲年三十九以羸疾卒其弟貺祥恩臣編其古今體詩爲六卷藏於家調臣爲半溪先生族子半溪見資江耆舊集調臣詩近始寓目亟爲採入斯集云

南陽里訪屈子故居遺址

楓林罨孤煙榛莽滿餘照蕭蕭山鬼號  
默默國殤嘯湘纍

昔放逐棲遲此荒嶠遠遊阨遐舉卜居足吟眺魂憑巫陽  
招歎任漁父謂祇今蕪里中遺墟沒叢篠水咽行吟聲山  
枯顛顛貌搔首睇江潭魚腹空憑弔

從羅漢巖步上千峯頂

羣峯插青天峻削東長箭絕磴紆千盤微徑垂一綫山靈  
如遊客奇險境屢變臨阨危窘步倚壁峭礙面有時裏巖  
腹白日忽不見壑風吼怒虎溷瀑掣奔電舄底怪鳥喧喉  
間冷雲嚙側見羣崖巔繡畦播植徧民廬鳩巢危排豎狻  
步旋吾輩支體惰豈伊筋骨賤絕頂得夷壤盤桓足遊眺  
川陵豁遐矚青紉列彫紉西睇重湖濤微茫橫西練

詠懷

深夜燒紅燭談兵心膽雄長劍光陸離拔鞘森寒風快折  
泣潛虬指搗虢蒼熊清時此無用仍斂秋霜鋒  
岱宗覽青海太華窺黃流雄劍挂崆峒雕艦凌瓊州志士  
纈襟抱終當萬里遊安能事羈紲兀兀守舊邱

雨耕謠

今春苦風雨雨久田功遲老農急力作驅牛原上犁春田  
土若膏澍澍鳴牛蹏不愁我腹枵但恐我牛飢緩步且惻  
惻况忍加鞭笞黃犢初長成驕風原上嬉牛頻顧其犢  
疎時一嘶解輓憩古原原頭莎草肥忍飢不齟草舐犢還  
乳之犢驕觸母腹沾腹猶塗泥

千秋坪訪婁烈愍公墓

鬢齡披邑乘慨慕婁公賢婁公官前明狼烽逼秦川公時  
牧臨涇罵賊聲震天曠代顏常山與君爲比肩堂堂黃夫  
人抽刀死君前馬革裹殘骸墳封湘水徧年深歷兵劫殘  
碑渺蕪煙後人索遺蹟埋沒經歲年道光戊子冬探幽青  
草邊荒墟見遺冢犁作農家田田中垂白翁指墓心慘然  
道明達官婁忠魂此安眠當時諭祭葬途巷車馬填翁仲  
高於人偉碣青瑤鐫故居在其北畫棟栽修椽卽今野人  
宅猶號婁家園老夫兒戲時此事父老傳滄桑三百載野  
蔓相牽纏黑夜號鬼雄陰風鳴烏鳶野人愧無狀願茲相  
憫憐霜秋薦麥飯露春燒紙錢念是古人墓無力培其塋  
我聞老人語惻惻心內煎哀哉黃蓋夢卽古空惻惻

國朝乾隆閒 恩榮來九乾追加烈愍諡 麻綸星日縣  
昔年吳太守 灼秦地麾旌旃躋公祀名宦馨香千載延安  
知死士顰零落悲嘯鵑我願白當事表此忠烈阡

汨羅競渡歌

沿江鐙鼓聲喧闐千艘萬艇波中穿畫橈擊浪高於船角  
標奪彩爭後先飄然出沒風雷旋瞥若怒龍騰巨川江波  
盡化爲雲煙吁嗟競渡傳千古汨羅舊是歌騷土往往空  
山山鬼雄天陰慘澹作人語我欲奪取雲中虬橫衝洞庭  
水倒流申椒爲龍橈木蘭爲龍舟湘君把龍尾河伯扶龍  
頭東皇舉旗馮夷鼓一洗大夫放逐之窮愁魂兮歸來無  
遠遊登斯舟兮沈載浮五絲角黍波閒投又恐海底蛟龍

偷何不直拔重淵升杜洲便與雲鶴相夷猶空山尙有荒  
祠留魂兮歸來返故邱

打虎行 有序

有客言壬戌夏村民鄭茂兄弟蒔於畦有虎自林中來  
啗其兄將超離去弟揮鋤奪兄屍還卒殺是虎嘉其義  
勇作打虎行

村中之虎何處來黑風颭颭林邊吹二人園中鋤一虎園  
外窺村人不識虎喚作鹿與豺突然見虎銜兄去負之已  
去山之隈虎勢亦何雄兄呼亦何悲阿弟奮起斤鋤揮擊  
虎脊傷虎肢眼中知有兄視虎小如狸虎不敢噬擲其屍  
居然奪得兄屍回操戈重向林間追復兄之臂戕虎皮虎



夜聲哀曉禹州兒劉平妻救父與救夫斯人與之齊  
黃氏三虎何足奇

讀秦紀

人云秦法嚴吾謂秦法疏張良一儒者乃在阮之餘狂用  
收戈兵博浪鐵椎來伺狙狂用燒經史圯上尙傳黃石書  
狂用求神仙三千童男童女沈海隅沙邱奔走亡其軀君  
不見功成竟從赤松子帝師真是神仙徒

顏魯公坐位草帖歌

一紙草箋安足數要以人存斯不朽淋漓健筆蟠蛟螭到  
今人識平原守大唐家法抑中宮內侍不置三品班自從  
天寶寵力士刑餘勢漸滋權奸肅代而還任闔寺程李諸

奴恣威勢當時尤者魚朝恩特進軍容宣慰使居然總制  
統公卿神算軍威典重兵成均三擁主講席高擁首座談  
義經何況宴會半席地疇不諂脅爭承迎魯公攫心憂國  
計偶因列坐繁班次寓書僕射辭慷慨抑揚申責陳大義  
憶昔賊兵起范陽河北列郡紛披獨不有顏家義兵起與  
復唐室誰爲倡浩然正氣塞天地肯令宦豎隳朝綱獨憾  
元紆肆讒口垂老孤臣賊庭走投阮赴火不足惜遑惜書  
名重身後一朝從容完大節後人感歎欽英烈搜索殘篇  
字數行鏤以貞珉不磨滅如見忠肝義膽存睢陽之藹常  
山否令我展讀含深愁橫塗豎抹辭義周疾書豈必計工  
拙卽論書法健且適吁嗟乎後來孱主柄下移播弄神書

如奕碁唐祚傾覆當咎誰乃知達人憂先幾

禹碑

嶽麓山勢蟠厓巖片石聳立山之陲瑰形鬼狀讀難曉云  
是岫嶁神禹碑七十字逞光怪令我顧詫生猜疑圖寫  
洪濛天地象鏤刻混沌山川姿有時忽作偃波勢浩若滔  
滔洪水時觴齒鳥喙得彷彿鉤鈐玉斗爭陸離欲知大禹  
作何狀如見瘵面偏枯肌榛叢騰蹕罔兩夔水族跳梁蛟  
虵螭河精遊戲真醜貌黃龍拽尾來遨嬉揣摩取譬失形  
似而况譯釋紛何爲莫分堯典舜典字那辨喜起賡歌詩  
從來神物世罕喻豈必炫耀成功垂我欲叩碑問此語石  
不能語空嶽嶽嗚呼禹剛尚淪沒此碑矗峙誰動移想見

少年鑿奇字天驚石破神鬼唬  
詞定出扶登手刻石更  
仗狂章威至今嵌空色青紫  
風雷日夜相呵撝世儒曉曉  
辨真僞信之者鑿疑者癡  
摩挲何必曉其義卽此典重尊  
鑿尋急搦紙本自珍襲好怪亦足千秋垂

### 大水行

十日青天成漏釜  
媧皇鍊石未能補  
湘江濤來二丈高  
江上青山變洲渚  
湘民依山圍作田  
秔稻半熟黃雲連  
斗聞鳴鳴萬聲哭  
頃刻白浪高於屋  
壯者升屋得不死  
老羸一洗成泥滓  
嗟余僑寓來文洲  
駭此聞見心殷憂  
此洲隄防幸不沒  
一沒我輩皆浮漚  
昨者前村逃水民  
鵠形菜色行步迫  
自信出入波濤裏  
入口漂流存一身  
日來還望舊居

青蛙瞪目坐高樹千村萬竈巢龍蛇縱然水退歸無家  
況有里胥催稅輸官衙我聞此言重嗚咽天災無常堪  
說君不見去冬河決高家堰數郡生靈盡魚鼈經年畚  
鍤工未成漕船不得通上京大水行悲有聲

周鉦歌

有序

鉦鐘形而扁兩欒棱然欒徑舞高七寸有半欒圍二尺  
三寸有半參分欒圍去一爲舞圍鼓閒凸起作鷹隼蛇  
虺狀質鏤文如篆籀甬其端長五寸圍六寸空中上下  
通甬近舞約寸許豐如鼓腰者寸腰有乳四厚五分重  
四十有二斤質諸博古圖知是周物藏易瓊圃家云土  
人於洞庭之青山掘得之

白晝陰森神鬼驚空堂答響鏗噲吟中有古物狀鈴鐸云  
是西周通甬鉦憶昔姬宣奮神武東都恢復揚王靈西戎  
獫狁奏膚績蠹爾負固餘蠻荆壯哉方叔被命服三十萬  
衆來南征陳鞠師旅練車甲赤芾照耀開元精是時鉦人  
振金鼓望氣讐服威雷霆功成畔甲戢戈戟鐃鐃拋擲荒  
江汀埋沈泥沙幾千載自然呵護煩神明山川洩奇出光  
怪復見寶貴齊籛鉶我從易氏得見此質重貌古蒼顏青  
斑斕雕鏤寓深意龍蛇雄陣蟠縱橫擎空鴛隼奮觜爪如  
見元老威揚鷹平頭操柄試撞擊恍雜萬馬蕭蕭鳴

國朝治平二百載盡鑄刀劍歸春耕此鉦烽煙歷萬劫復  
覩泰運開昇平請爲書堂作位置比作崇牙鐘簴懸周庭

木棉詞

朝拾棉萼拾棉拾棉棉不盡花心自牽纏筠籃攜向深閨  
裏壓出棉花去棉子手挽長弦數數彈滿前白雪凝作團  
連夜作篝鐙紡聲時唧唧絲絲是妾手中出不辭妾手倦  
但願郎情如棉無斷絕可憐機杼催寒更機下愁聞絡緯  
聲西風吹妾妾不冷愁憶邊關萬里征裁爲寒衣裳寄向  
邊關去莫將羅綺輕疏布疏布重棉煖如故衣到君邊有  
做時妾心絲絲無盡期

迎神

有序

周子感時事作也沅湘好祀信鬼神村巫塗面作神語  
指陳休咎若有物憑之者凡疾病災異輒禱禱必應衆

頗惑之

神之未甞光厯燭光闇生陰霾面若漆睛如灰斧決口雙  
頤開指揮短柄劍怒吸葡萄醅神之語氣如虎嚼烈火吞  
然炬聲轟轟雷門鼓蚩蚩觀若堵噤無聲類伏鼠謂竊  
議神者神知之莫敢侮絕叫屋瓦震隱語還吞吐神之行  
風有聲跳水怪騰山精老魅走狐鬼驚拜迎且咒交紛爭  
拜此何乞符藥驅機槍病者起危者平迎者何割牲牲咒  
者何臚所希梵夾呈家以辦香抒懇誠晉有石能人言號  
有神萃野聞鬼神情狀難具論自古沅湘好淫祀黔首乃  
爲鬼神使精氣憑之弄傀儡造物何非復何是世閒怪事  
類如此一



舟次洞庭

潦倒湖湘外孤舟泊洞庭水翻千頃白山擁一螺青雁影  
兼雲度濤聲帶雨腥芷蘭香不斷何處問湘靈

秋夜懷友

寒風起林壑獨坐歎離羣高樹挂殘月空山無片雲江砧  
幼斷夢村酒稱論文飛雁杳何處鳴蛩清夜聞

薄暮

薄暮倚高閣蒼茫煙水間夕陽下遙浦暝色含空山海角  
月初上田家門半闌沙鷗自無事相對與人閑

夜坐

客舍傍林麓開門臨水涯寒鐘近山寺遠火辨漁家野閣

涉泚書有自 卷第七十  
灘聲小風高斗柄斜吾方苦鄉思何處奏悲笳

蕭齋

蕭齋白雲裏對酒意如何蟲語夜逾寂詩情秋更多西風  
下高樹涼月澹明河獨往步幽徑雁聲空復過

歸路

故人慘相別歸路幾盤旋斜月夜將半疏鐘僧未眠猿嘯  
沈野色犬吠入溪煙林壑自朝暮此心殊悵然

訪山中人不值

石磴馬蹏滑雲邊幽徑通空山留落日敗葉響西風精舍  
知何處前溪問釣童煙霞獨惆悵蹤跡羨冥鴻

石嶺山居

山居日多暇隨意步平原芳草六七里人煙三五村桑麻  
各場圃雞犬白桃源春社醉歸客黃昏敲席門

宿青草湖

險控制門界雄吞湘浦流客程仍宿槩杜老憶曾遊白浪  
龍沙月青峯楚塞秋洞庭更西望煙水杳滄洲

雜詩

茶醴諸鄉縣蛟龍挾水高人民緝魚鼈城郭入波濤軫卹  
皇衷切匡綏大府勞飢寒兼歲暮何以撫逋逃  
萬古黃流險奔騰赴濟西昔年歌瓠子頻歲塞金隄大海  
輸糧船舂甯罷耜何時奏安汎禹跡未應迷

見說元戎北邊烽陷四城守臣先殉難元老復徂征朔雪

天王地秋霜漢將營軍中有韓范西賊膽應驚

對雪

去歲冬之日羌戎盜似毛霜摧虎皮馬冰折雁翎刀近報  
收回部先傳鏖賊壞野人對風雪時復念征袍

連夜夢先兄藻臣亡弟卓人

骨肉三年別哀思人夢頻音容猶健在談笑倍情親祇恐  
生難聚翻疑死未真覺來鐙影瘦相對更傷神

聞雁

清霜秋九月朔雁向南征雲外已無影空中猶有聲孤鐙  
羈客夢殘杵畫樓情無限含愁處難聽此夜鳴

再遊汨羅

獨醒亭子聳崔嵬，徙倚危欄落照催。  
居傍騷壇生有幸，愛尋芳草我重來。  
投書豈抱長沙憾，弔古深憐宋玉才。  
祇有九歌歌不欲，怕公聞此更含哀。

賈太傅祠

治安三策挾風雷，宣室高談氣壯哉。  
英主豈終淹國士，謫居應欲老奇才。  
華年逝水天難問，斜日悲風鳥亦哀。  
愁對靈祠卑溼地，一泓寒井鎖莓苔。

磊石山

自注山下有屈子行吟處峯頭岳忠武劉文成屯兵故址猶存

登高四望楚天哀，詞賦干戈百事灰。  
萬古惟畱此山石，一卷猶聳洞庭隈。  
寒濤夜泣靈均廟，衰草秋荒上將臺。  
那更黃陵暮鴉影，帶將清憾渡江來。

重遊神鼎山

軒轅寶鼎已殘灰，獨立斜陽首重回。  
人與白雲爭路上，水穿青石抱山來。  
空林落葉僧同瘦，峻嶺風高雁早催。  
重訪昔年題詠處，依稀蕭壁未塵埃。

易忠節公祠

狼煙宵逼鬼門關，誓殉危城更不還。  
殘骨九原仍入口，孤忠千載動諸蠻。  
空餘碧血漂銅柱，應有羈魂殢諒山。  
故里祇今猶廟食，靈旗低閃夕陽殷。

春暮騷壇晚望

落日秋風瘦有棱，楚天南望白雲層。  
三湘詞賦曾誰主，萬古騷壇更獨登。  
流水有情哀賈誼，青山無語弔黃陵。  
當年

隕涕悲歌地坐攬蘅蕪感慨增

玉筍山晚望

騷壇萬古紀離憂杖策高扳值暮秋水鬻奔崖山露齒煙  
浮遠渚屋如舟白蘋香裏僧呼渡黃葉聲中客倚樓正是  
江潭搖落候楚天征雁起深愁

懷李石梧

星沅客成都

劍外西風冷客衣征輪幾日過巴夔馬蹏雲棧千盤上鳥  
道青天一綫窺潭冷百花工部宅營荒入陣武侯祠懸知  
憑弔峩峩月驛雁巫猿唱竹枝

登屈祠藏騷閣春望同季弟惠臣

百花搖落此登樓三楚風雲望裏收萬疊山連巴郡遠一

條江入洞庭流波平淺渚芳蘭杜雨歇空林叫栗畱忽聽  
滄浪唱煙外漁翁何處弄扁舟

舟泊黃陵拜二妃墓索斑竹不得抵棘茨漫山作紅  
白花而已

江上峯青江水流爲尋斑竹此句畱空餘荒草墳三尺猶  
是虞姚土一邱風撼波濤渾對泣月明環珮可來遊料應  
此後相思淚灑上山花枝上頭

遊嶽麓寺上響鼓崖到雲麓宮小憩

高攀靈麓俯峻嶒知度天梯第幾層片石尙畱三絕碣

自注

寺北海麓山寺  
碑世稱三絕清談如見六朝僧鼓從地底穿崖出人自

雲中附葛登到此何因畱戀蒲團應記舊時曾



湘江曉發

蘆花如雪滿煙汀  
客路秋懷取次增  
十里亂山看不定  
一江寒雨下巴陵

論史

一從亭長起亡秦  
附鳳攀龍定幾人  
韓爲報恩良報怨  
漢家原未有功臣

明妃曲

和番長策托傾城  
一騎琵琶自請行  
試對望鄉臺上月  
四絃猶作漢宮聲

歸來

天涯何處置鄒枚  
古道塵沙兩鬢催  
信是故園風景好  
木

棉花發又歸來

秦始皇

求仙海上竟何如  
鞭石雄心計亦疏  
穀水一牽鞭不動  
問他橋畔夜傳書

紅葉

楓柏千行夾道周  
滿林紅葉映江樓  
梅花未發黃花謝  
賴爾彌縫一段秋

郭秀才祖翼六十三首

祖翼字芭泉善化人廩生著有雨福山房賸草芭泉爲昆甫先生曾孫食貧力學不愧門風年未四十以諸生終未竟其業重可惜也

廢寺

捫蘿陟層椒。踏醉巉巖石。小憩就禪關。布金尋舊迹。梵唄  
寂無聲。塞徑蓬蒿積。妖狸捧髑髏。竹冷秋陰碧。梁鷺欬如  
人。籬虎臥窺客。鐘動鬼嘯冤。山荒僧病瘠。旋風颭鐙綠。殘  
霖漬血赤。堂深氣冥冥。白晝慘將夕。牆隅剔殘碑。剝落蒼  
苔圻。傳聞勝國時。於此殲逆魄。至今沙磧闊。往往抬折戟。  
龍華劫火焚。滿眼衰草白。興廢理如斯。須臾判今昔。卻怪  
乞福人。當年誇捨宅。

夜坐

垂虹睨殘陽。茅簷雨乍歇。幽花泣牆陰。繁星動林闕。開軒  
納遙爽。空翠撲簾額。窗度雲影涼。池浸廊陰滑。嫋嫋寺鐘

疏濛濛樹煙隔流螢時熠燿微見草露白秋意殊灑然輕  
風動庭樾更闌酒未乾坐對東山月

棄婦詞

少小爲君婦中道忽棄捐蔓長思自引枝斷不復連豈無  
白頭吟三復如充耳君心不可回妾心井中水執手別娣  
姒含淚拜姑嫜登車出門去一步一徬徨畱妾笥中衣新  
人飾光澤不憾奪人憐猶得依君側纖纖雙蛾眉畫作新  
月痕螺黛不忍掃記取舊時恩浮萍逐波流敗葉隨風落  
棄絕復何言傷哉妾命薄

春日與諸子遊嶽麓渡湘江作

經旬閉戶居轅駒笑局促故人走見招靈麓待幽囑欣然

攜蠟屐藉滌塵襟俗一葉萍湘流春水散醺醺孤洲鎖暮  
煙層波蕩朝旭舟動覺城浮篙移知岸曲翩翩魚勝遊隊  
隊鳬翁浴風定帆影直歌斷櫓聲續紉蘭弔古魂種橘緬  
荒躅推篷看隔江一拳天際綠

贈別陳堯農二首

平生抱微尚測交恥以私有友爲余言陳子多英姿相思  
殆十載相見憾已遲遲亦何足憾乃在天一涯迢迢江與  
漢終歲窮酣嬉竊窺君行義勁直無同歆一見勝百聞前  
言信不欺所嗟鋒鐔露於世百不宜小人重面交君子慎  
所期珍重昔人言可惠斯可夷

嗷嗷中澤雁南北隨春秋豈不憚關山其如稻粱謀與君

步瀛集卷之十一  
客武昌食魚頗見羞鄉心不可極日逐湖波流我來君又  
去何以遣此憂君聽瀟湘水嗚咽不冝休

盆松

此松礫硠姿鬱鬱挺修幹山翁殊好事束縛互羈絆盤紆  
不盈尺枯苑分其半叢髯拂離披古苔蝕浸漉歲久不冝  
疆鐵背撐傲岸攜來都市閒嘖嘖交賞歎輦致越千里黃  
金擲無算屈彼梁棟姿充人耳目玩婆娑生意傷矯揉眞  
氣渙轉嫌憔悴易徒令供突爨人事日穿鑿天機乃潰亂  
萬物有本然培覆於茲判長養順其性豈在勤溉灌君看  
豫章材天矯入雲漢

少年行

暖佩吳鉤氣雄虎揮擲黃金賤如土平生憾未識要離眼  
中離離何足數聞道龍沙羽檄馳願請長纓繫月氏歸來  
奏凱明光殿戰袍紅染血淋漓男兒富貴須早致淩煙圖  
畫尋常事自來馬上不讀書從人識得封侯字

美人篇

畫樓紅雨曉春鶯煙絲吹墮芙蓉屏中有佳人方獨立銖  
衣綃帕悄無聲生小崔盧舊門第時世妝成紛綺麗阿姊  
承恩侍昭陽小妹嫁得瑯琊屈屈指曾過碧玉年三生慧  
業誤嬋娟攜來芍藥將誰贈采罷薜蘿只自憐碧紗十二  
團風絮翠竹天寒斜倚處瑤琴彈斷相思弦杜宇一聲春  
又去

病起戲簡陳石堂

自注時石堂方習醫

我生稟氣得秋冬苦吟瘦與少陵同差喜病魔不相擾漫  
以蒲柳媿喬松今年枚卜得无妄筮者爲言象吉凶果然  
六氣乘虛入始猶支屬漸龍鍾譬如太平武備弛長城只  
用偏師攻達宵伏枕苦瞑眩炎毒蒸腸愧熱中燎原勢壯  
煎何急筋骨但作柴薪供平生挂腹五千卷到此料付秦  
灰紅汗漿傾作黃河決臆氣澀疑函谷封重茵翳窗不知  
曙耳畔恍惚波濤春老親溫語頻慰藉料量眠食如兒童  
此時七尺皆贅疣頗復修怨到天公觥觥吾友陳子昂鍼  
茅徒柳術兼通昨來同疾思獻技自詡參苓歸藥籠我聞  
調攝自心始豈必服餌如嬾養神仙儻墮貪癡劫安期談



門已成翁不如習靜坐空齋呼吸元氣迴鴻濛一吟一醉  
消永晝時或跼蹐疑噴鼻務令置身塵壒外不許塊壘填  
心胸二豎間之果避舍云此本強古未逢膏肓忽訝須臾  
起春風一夕甦枯桐今晨晞髮茅檐下步履豈復煩支筇  
詩堪止瘡定非妄子章髑髏語何工倉公已死不可作安  
用淵源說黃農語君青囊急焚卻君家自有檄愈風

晚過白馬驛

墟煙起暝色匹馬獨徘徊林鳥先人宿溪煙對客開鐙明  
知市近橋斷轉隄來欲借茅簷宿巖城漏箭催

愛晚亭

絕壑蒼煙鎖孤亭夕照開欄危全倚石樹古半生苔流水

潺潺去春雲冉冉來題名多漫漶把酒一徘徊

風雲亭同周美汀夜坐次美汀韻

曲徑穿林滑孤亭得地偏池光團作露山氣動如煙疏簾  
微涼月枯琴韻澗泉清歡能幾輩莫惜醉銀船

偶興

詎比滄江臥淹留年復年巢痕看換燕春憾感嘯鵲南郭  
吹竽技西堂夢草綠虛名供嚇鼠桑硯可能穿

十畝無多地林扉枕碧渠書聲窺野客花氣醉池魚風緩  
留雲住山深得月疏敢云避喧者傳舍亦吾廬

九日登玉皇山

列嶂迴環勢欲奔排空獨讓一峯尊白雲導客尋樵徑紅

樹扶樓出寺門古佛巖前馴象立仙人井底蜚龍蹲謫居  
尙許陪香案未敢狂吟達帝闈

猿鶴何勞漫見猜偶隨同隊踏崔嵬路從落葉堆中辨人  
自羣山缺處來石筍屢妨遊屐折菊花多傍客筵開題糕  
無句酬佳節權向西風醉一回

金陵懷古次周處甫韻

虎踞龍盤半壁空興亡草草弔江東三朝禍亂歸朋黨六  
代河山總寓公雲暗孝陵消王氣馬嘶瓜步泣英雄如何  
相業風流甚半在春鐙燕子中

貔貅坐擁義旗孤九鼎難憑隻手扶誰爲長城思道濟徒  
教江左笑夷吾金繒拜爵屠沽潰羅綱張空法吏誣太息

武昌忠憤切千秋史筆昧南狐

江淮南北滿煙塵幕燕偷安局又新父老尙思求戰士中  
涓偏是選才人日斜烏巷天如夢血染泉鳩草不春賸有  
東林諸節義摩挲銅狄暗沾巾

已看甌缺棄中華賸水殘山詎足誇天子無愁歌玉樹佳  
人有淚泣桃花臨春日煖香塵舞蔣阜雲低戰鼓搗一自  
降帆江岸出不堪重聽舊琵琶

嶽麓書院

赫曦終古屹崔嵬四座弦歌講幄開喬木百年思老輩名  
山一代養奇才雲端梵唄隨風落檻外泉聲繞竹來惆悵  
殘碑先澤在自任八世祖黃瞻公曾主講席有碑斜陽影裏剔蒼苔

雲麓宮

飛翠遙驚百尺臺山根拔地立崔嵬天懸星斗當窗落水  
合瀟湘抱郭來列嶂畫冥雲氣護虛堂寒早磬聲催臨風  
欲挂仙人杖看取衡峯九面開

三閭大夫祠

招斷騷魂哭汨羅蛾眉謠詠憾如何遺民久已湮三戶弟  
子還能續九歌夜雨空山殤鬼嘯秋風楚澤芷蘭多噓他  
斲水渾無奈猶向祠前日夜過

池上納涼

夜氣高寒露滿枝經秋荷葉半離披池光動處星辰活涼  
味同時枕簟知隔院風敲聞落葉古牆蟲咽續殘詩美人

千里音塵絕悵望停雲寄所思

舟曉

晨光穿樹漏熹微翦翦輕風冷翠霏殘夢半隨流水去輕  
舟只載好山歸名心未了才先盡俠氣難消願總違閒倚  
篷窗一回首雙雙鷗鳥背人飛

晚歸

疏柳高槐咽暮蟬西風獵獵嫩涼天夕陽銜嶺圓如月遠  
樹浮空動若煙驚馬不堪歧路策昏鴉偏占一枝先蹣跚  
漸覺柴扉近只愧緇塵未易湔

落葉

淒斷哀蟬曲何人尙倚欄不辭飄泊苦只恐故枝寒

晚歸

唱徹陽關意惘然  
遠山蒼翠澹如煙  
斜陽喚渡無處應  
白鷺一雙飛過船

夏夜卽事

白漾池波月上時  
輕羅小扇夜眠遲  
閒聽兒女茅檐下  
口授唐人五字詩

偶檢得制藝數帖皆先祖母課讀時作也題尾

零落空餘故紙存  
兒時情事那堪論  
秋風不爲文章哭  
別有烏私未報恩

偶成

門巷悄悄謝客譁  
芸煙蠹粉送生涯  
夢回閒倚闌干立  
細

雨聲中聽落花

題李石梧蜀遊草

蜀道青天未可攀，奚囊收盡古雲山。  
關風伏雨愁如許，坐我峩巒雪影閒。

案芭泉詩全集未見，僅從寫本選錄若干首。石梧中丞所刻雨福山房遺稿可傳之作尚多，今復補錄廿餘首於後。

謁周節愍公祠有序

公諱二南，字汝爲，雲南蒙化人。明季由選貢爲長沙府通判，張獻忠陷長沙，公恢復疆土，撫集流亡，仁惠大著。乙酉擢岳州守，士民乞畱，改守長沙。其年五月二十七日，李自成焚劫瀏陽，公馳兵往援，大有斬獲。六月八日，



接戰於瀏之官渡又大克捷公亦被創賊乞撫公罵之  
會有他賊畫計潛師下流逆渡出公陣後擊之公褻創  
血戰中流矢遇害時六月十一日也事聞贈太僕寺卿

國朝追謚節愍

陣雲無色鼓聲死鬪饑嗚咽官渡水裏創百戰氣填膺卓  
哉太守真男子是時闖賊已狼狽南竄無人飛一矢湖湘  
千里如潰瓜坐看餘燼延邊鄙援軍坐矢何文烈

黎平公  
騰蛟

死友敢負蔡司李

江門先  
生通憲

炎風六月聲怒號滿目烽煙空

捐髀相隨部曲感且憤我輩忍貽太守恥從而死者二千  
士烏爲下原戰場肉白日慘澹迷荒壘可憐無地葬衣冠  
冢在滇南之萬里沙蟲猿鶴幾變換百八十載風霆駛趙

侯下車訪遺跡

自注邑侯趙公瑜修其祠

斑斑血蝕土花紫毅魄難

招楚些歌壽宮校卜龜

自注祠爲祀楊龜山先生舊址

公之精誠貫

日月浮名豈必爭青史闡揚忠烈守士責况復於公誼桑

梓秋風獵獵颺靈旗巫歌覲舞邦人喜天不祚明實祚公

煌煌大節關風紀君不見當時將相半偷生可憐高牙大

蘇俱荆杞

### 擬諸將五首

平沙莽莽陣雲黃毳幕穹廬接大荒都護移營天萬里羌

兒吹角淚千行犀軀直蓋蒙殊錫蹴踘琵琶化戰場部曲

相逢猶扼腕當年何故醉紅糴

延陀妖雪壓高秋西顧難紓五夜憂朝倚亞夫軍滿上帝

哀虞詡議涼州旌旗落日迎官柳  
刁斗清宵警戍樓惆悵道傍遊  
俠客請纓無路覓封侯

檢點平生戰血癥健兒醺酒餞  
臯闌城連沙磧重關壯馬踏陰  
山六月寒信有父兄依僕射斷  
無鬼蜮赦呼韓如何雪窖冰天  
外幕府猶歌行路難

軍符火急下龍城使者乘輅遠  
檄兵豈謂中原無衛霍竟煩突  
厥出幽并金繒遠道將軍饋弓  
弩前驅驛吏迎爲念安西邊事  
重一時冠蓋讓縱橫

轉餉頻年令甲頒司農仰屋念  
民艱千艘轉粟經滄海萬馬馱  
糧出玉關將士量沙聲自壯朝  
臣采礦議全刪軍儲國計勞宵  
旰何日龍庭唱凱還

暮發長沙

朔風吹水立江上路漫漫遊子辭家去孤帆暮雨寒雪明  
山影瘦煙重鳥飛難輸與披簑客生涯寄一竿

湘陰

汨羅江上怒濤奔玉筍山前落日昏一水中分斜抱郭千  
帆小泊聚成村難從舊雨尋雞黍自注將尋李可北未果空爲騷人  
擷芷蓀醉枕船舷判熟睡團圓隨夢返鄉園

暮抵岳州

片帆迢遞抱雲來浦外煙寒暝色催白浪直浮江漢去青  
山遙勒洞庭回潮通斷港魚蝦賤日落荒城鼓角哀不識  
明吟飛渡客幾時重醉故人杯

月行雜詠

三里五里柳作村十家九家水繞門忽驚漁父鳴榔去剪  
破一溪斜照痕

出六幺前鏡影指春波淼淼淨於苔青山也戀瀟湘好每  
到江邊首一回

蘆芽短短竹斑斑燒影烘天落日殷行盡長沙三百里綠  
雲一角是君山

新綠迎人樹兩行曉寒料峭不成霜蒲帆十幅輕如葉載  
得青山到岳陽

岳陽樓

危樓高瞰大江濤蒼莽乾坤直到今憂樂易成欺世語神

仙難了好名心遠帆漠漠堆愁影寒日荒荒起夕陰爲問  
少陵高唱後幾人差不負登臨

### 望君山

數峯青未了江上怨何深欲寄相思淚蒼梧不可尋遠煙  
沈樹色新翠溼雲陰彈斷朱弦曲寥寥北渚心

### 黃鶴樓

對酒忽不樂言尋黃鶴樓乾坤元氣合今古大江流詞客  
終相妬神仙安可求何當攜玉笛吹散故園愁

### 桃花夫人廟

幾斫桃花樹春風盡日喧

自注時有欲改祀陳良弼不果

憑誰傳好語一

爲定驚魂大別山猶昔長江聲暗吞故宮何足問瓦礫

岩痕

赤壁謁蘇長公祠放歌

我不知大江滾滾東去幾時回又不知羽衣蹁跹橫江鶴  
至今飛上何人之樓臺眼前但見危磯濁浪與夫西山積  
翠匝匝而轟厖七百年來一泡影風流歎絕吁可哀或云  
公隸香案吏或云尊者偶遊戲或云再世鄒陽來其說恅  
恍離奇不能識天生斯人詎無因胡爲枕蛟騎虎日日傷  
顛顛世人皆欲殺君王終忍棄談詩說鬼神緩死側身四  
海疑無地噫嘻乎男兒不幸負才名奇氣鬱勃千夫驚前  
韓後蘇兩詞伯可憐宦况同艱辛南方卑溼苦瘴癘一斥  
再斥涕縱橫文章節行皆可忌豈必命宮磨蝕能窮人天

道詎瞶瞶人情自悠悠鞭撻笞鳳等閒耳涇渭清濁分途  
流紛紛章蔡特鼠輩吹唇沸地非公羞豈惟非羞亦非仇  
江山風月多勝概要令詞賦窮雕鏤桃柳林不可遊楚頌  
亭不得休武昌樊口幽絕處快意獨作五年留我欲楚山  
招公魂楚水洗公愁進之以頭綱八餅奉之以真一千觥  
期公翩然下降騷靈虯掀髯一笑風颼颼何須更問當日  
吹簫客但看東坡千樹萬樹黃葉稠

夜泊仙桃鎮次賀蔗農學使韻

平沙淺渚幾回經江上雲歸客亦停夜氣忽涼疑作雨波  
光欲動倒嵌星帆檣歷亂鄉音少鐙火淒清樹影冥太息  
蒹葭卑涇地隄防無術拯生靈



伍子胥廟

夷莫鞭尸國竟墟秦庭七日獨歎歔如何後世忘恩怨不  
祀包胥祀子胥

荊州雜感

獵獵旌旗護麗譙從三戶話前朝險通蠻徼山千疊低  
壓中原水一條壯士薊弓晨射雁將軍緩帶夜吹簫荒屯  
戰骨知多少半作青磷半作潮

滔滔江漢勢縱橫斑竹岡前雨乍晴地近巴渝人度曲俗  
兼秦趙士談兵魚和雁稅官符急實布尚花市似年曾是  
昔年遊冶地於今澤畔有鴻鳴

哀郢吟成首重搔何因屈宋溯風騷百年文獻東轡補注

沈湘著舊集卷第一百七十

五

明末孔東齋著江陵志餘極訂核一代助名太岳高南夢北雲餘氣概宋

臺梁館莽蓬蒿銓窗罷讀英雄記憔悴風塵感二毛

蕭蕭木葉作深秋客子天涯怨滯留短策敢爲今日畫遺

墟空代古人憂途窮竟負龍山酒自注九日有邀遊龍山者不及赴家近

難通虎渡舟白雪歌殘天又暮西風愁上仲宣樓

渡南豬湖

浩浩天風送客還推篷遙羨鳥飛閒一帆東渡疑無岸三

日南行始見山洲島浮沈波影黑煙嵐掩映夕陽殷時平

久絕荏苒警且酌村醪一解顏

湖上散步

波平如鏡曲如弓草綠長隄短約通一塔孤撐雲氣外萬

家都在水聲中遙汀鳥掠寒潮白晚市人喧落照紅彷彿  
郎官湖畔路自昔前遊漢陽月湖風景與此略似衣香人影太匆匆

### 湖樓小集

出郭尋秋色軒窗面面開波搖山欲活煙重雨疑來水氣  
溼襟袖花香涼酒杯微茫鐙火裏扶得醉人回

### 題芭蕉禪院

想見龍華供養時傳衣猶認綠天遺山因近寺兼空色佛  
亦如人易盛衰虛閣貯雲容夜宿齋厨埽葉助晨炊禪房  
擬借支公榻可惜浮生到已遲

### 夜起

孤館人無寐星移覺夜闌池光含露潤山氣入詩寒風急

卷一百一十一  
三  
柝聲亂霜高葉響乾月明眞似水閒煞好闌干

溪行

十里菰蒲曲斜陽導客行空潭沈暮氣獨樹聚秋聲鳴印  
今番雪鷗寒舊日盟柴扉隣咫尺未許枕流清